

ШАРТНОМА
(Хукукий ёрдам хизматини кўрсатиш тўғрисида)

30 август 2022 йил.

№ Х-08-04/03

Тошкент шаҳри

Ўзбекистон Республикаси Соғлиқни сақлаш вазирлиги ҳузуридаги Фармацевтика тармоғини ривожлантириш агентлиги (кейинги ўринларда “Буюртмачи” деб юритилади) директори С.Кариев бир томондан, Ўзбекистон Республикаси Адлия вазирлиги ҳузуридаги “Адолат” миллий ҳукукий ахборот маркази (кейинги ўринларда “Ижрочи” деб юритилади) директори Ф.Тожиев иккинчи томондан қуйидагилар тўғрисида шартнома туздилар:

1. Шартноманинг предмети

№	Бажариладиган иш номи	Ишларни бажариш учун сарфланадиган вақт миқдори (соат ҳисобида)*	Сарфланадиган вақт учун ҳисобланадиган пул миқдори (сўмда)
1	Фармацевтика тармоғини бошқаришга оид қонунчиликнинг ҳолатини, норматив-ҳукукий ҳужжат лойиҳасининг ҳукукий жихатдан тартибга солиш предмети бўйича қўлланилиш амалиётини ўрганиш	78 соат	8,212,429.00
2	Норматив-ҳукукий ҳужжат лойиҳаси юзасидан тушунтириш хати, солиштирма жадвал ва лойиҳани асословчи бошқа ҳужжатларни тайёрлаш. Лойиҳани ҳукукий экспертизадан ўтказиш учун расмийлаштириш	88 соат	9,049,349.00
3	Тизимлаштириш натижаларидан келиб чиққан ҳолда норматив-ҳукукий ҳужжат лойиҳасини ишлаб чиқиш	86 соат	8,881,965.00
4	Тартибга солиш таъсирини баҳолашдан ўтказиш	20 соат	3,358,293.00
5	Тегишли мутахассисларни жалб қилган ҳолда Қарор ва Низом тартибга соладиган муносабатларни ва қўлланиш доирасини аниқлаштириш.	46 соат	5,534,285.00
6	Лойиҳаси тайёрланаётган норматив-ҳукукий ҳужжат билан бекор қилиниши ёки ўзгартириш ва қўшимчалар киритилиши мумкин бўлган ҳужжатларни таҳлил қилиш.	18 соат	3,190,909.00
7	Норматив-ҳукукий ҳужжат лойиҳасининг ҳукукий жихатдан тартибга солиш предметиға тааллуқли илмий тадқиқотлар натижаларини, оммавий ахборот воситаларидаги, Интернет жаҳон ахборот тармоғидаги мақолаларни ва бошқа ҳужжатларни ўрганиш;	92 соат	9,384,117.00

8	Халқаро ҳуқуқнинг умум эътироф этилган принциплари ва нормаларини, шунингдек бошқа давлатларнинг шу соҳани ҳуқуқий жиҳатдан тартибга солиш борасидаги тажрибасини ўрганиш	60 соат	6,705,973.00
9	Лойиҳа тайёрланаётган соҳада давлат органлари ва бошқа ташкилотларнинг, шунингдек айрим фуқароларнинг таклифларини, жамоатчилик фикрини аниқлашнинг бошқа воситалари маълумотларини ўрганиш, умумлаштириш ҳамда улардан фойдаланиш	64 соат	7,040,741.00
10	Фармацевтика тармоғини тартибга солувчи норматив-ҳуқуқий ҳужжатларни аниқлаш нуктаи назаридан қонунчиликни хатловдан ўтказиш	126 соат	12,229,650.00
11	Фармацевтика тармоғини ҳуқуқий жиҳатдан тартибга солишга салбий таъсир кўрсатаётган бўшлиқлар ва зиддиятларни, шунингдек ҳуқуқий жиҳатдан тартибга солишга бўлган ижтимоий эҳтиёжни, қонунчиликнинг самарадорлигига таъсир этувчи сабаблар ҳамда шарт-шароитларни аниқлаш	58 соат	6,538,589.00
Жами:		702 соат	80 126 300

1.1 “Ижрочи” “Буюртмачи”нинг топшириғига асосан шартноманинг 1.2 бандида кўрсатилган ишларни амалга ошириш (кейинги ўринларда-ишларни бажариш), “Буюртмачи” эса тарафларнинг келишувига асосан шартнома суммаси деб белгиланган ҚҚС билан **80 126 300 (саксон миллион бир юз йигирма олти минг уч юз)** сўмни тўлаш мажбуриятини олади.

1.2. “Ижрочи” Ўзбекистон Республикаси Президентининг 2021 йил 30 апрелдаги “Миллий қонунчилик базасини комплекс тизимлаштириш чора-тадбирлари тўғрисида”ги ПФ-6218-сонли Фармонига асосан, Ўзбекистон Республикаси Президентининг “Фармацевтика тармоғини бошқариш тизимини тубдан такомиллаштириш чора-тадбирлари тўғрисида” 2017 йил 7 ноябрдаги ПФ-5229-сон Фармони, Ўзбекистон Республикаси Президентининг “2019 — 2021 йилларда республиканинг фармацевтика тармоғини янада жадал ривожлантириш чора-тадбирлари тўғрисида” 2019 йил 10 апрелдаги ПФ-5707-сон Фармони, Ўзбекистон Республикаси Президентининг “Фармацевтика тармоғини жадал ривожлантириш бўйича қўшимча чора-тадбирлар тўғрисида” 2018 йил 14 февралдаги ПҚ-3532-сон қарори, Ўзбекистон Республикаси Президентининг “Ўзбекистон Республикаси фармацевтика тармоғида ислохотларни чуқурлаштиришга доир қўшимча чора-тадбирлар тўғрисида” 2019 йил 30 декабрдаги ПҚ-4554-сон қарори, шунингдек, Ўзбекистон Республикаси Вазирлар Маҳкамасининг “Ўзбекистон Республикаси

Соғлиқни сақлаш вазирлиги ҳузуридаги Фармацевтика тармоғини ривожлантириш агентлиги фаолиятини ташкил этиш тўғрисида” 2017 йил 18 декабрдаги 993-сон қарори ҳамда Ўзбекистон Республикаси Вазирлар Маҳкамасининг “Ўзбекистон Республикаси Соғлиқни сақлаш вазирлиги ҳузуридаги Фармацевтика тармоғини ривожлантириш агентлигининг Фармацевтика тармоғини қўллаб-қувватлаш ва ривожлантириш жамғармаси тўғрисидаги низомни тасдиқлаш ҳақида” 2019 йил 1 августдаги 641-сон қарорларини қонунчиликдан келиб чиққан ҳолда тизимлаштириш ва тизимлаштириш натижасидан келиб чиққан ҳолда норматив-ҳуқуқий ҳужжат лойиҳаларини ишлаб чиқиш вазифасини амалга оширади.

2. Буюртма бериш ва ишларни бажариш муддатлари

2.1. “Буюртмачи” ўз буюртмасини шартнома тузилган кундан сўнг бир иш кунинида ёзма тарзда, электрон почта манзили орқали ёки хабарноманинг қайд этилишини таъминловчи бошқа алоқа воситаларидан фойдаланган ҳолда юборади. “Ижрочи” буюртма келиб тушган кундан бошлаб уч иш кунинида ишларни бажаришга киришади ҳамда йигирма иш кунини муддатида ишларни бажариб “Буюртмачи”га ёзма ҳамда электрон кўринишда топширади.

3. Ишларни топшириш ва ҳисоб-китоб қилиш тартиби

3.1. “Ижрочи” томонидан тайёрланадиган лойиҳалар учун тўловнинг дастлабки 30 % қисми шартнома имзоланганидан сўнг 10 иш кунини ичида, тўловнинг қолган 70% қисми “Ижрочи” томонидан бажарилган ишлар далолатномага асосан топширилганидан сўнг 3 иш кунини ичида “Буюртмачи” томонидан амалга оширилади.

3.2. Лойиҳа тайёрланиб, “Буюртмачи”га тақдим этилганидан сўнг бир иш кунинида тарафлар ўртасида бажарилган ишларнинг ҳажми ва баҳоси кўрсатилган ҳолда далолатнома тузилади.

4. Тарафларнинг ҳуқуқ ва мажбуриятлари

4.1 “Буюртмачи”нинг ҳуқуқлари:

- а) Қайси соҳалар бўйича буюртма бериш масаласини мустақил равишда ҳал қилиш;
- б) Бажариладиган ишлар Ўзбекистон Республикасининг “Норматив-ҳуқуқий ҳужжатлар тўғрисида” ги Қонуни талабларига ва соҳага оид бошқа қонунчилик ҳужжатлари талабларига мос равишда бажарилишини талаб қилиш;
- в) Бажарилаётган ишлар тўғрисида маълумотлар олиб туриш;
- г) “Ижрочи”нинг фаолиятига аралашмаган ҳолда исталган вақтда ишларнинг бориши ва сифатини текшириш;
- д) Ишларни бажариш жараёнида фойдаланиш учун тақдим этган ҳужжатлар ва бошқа товар-моддий бойликлар ишлар тўлиқ бажарилганидан сўнг қайтарилишини талаб қилиш;

е) хизматлар тўлиқ миқдорда ва белгиланган муддатда топширилишини талаб қилиш;

ж) “Ижрочи” томонидан бажарилган ишларни умумлаштириш, уларни ўз фаолиятида қўллаш;

4.2. “Буюртмачи” қуйидагиларга мажбур:

а) Буюртмаларни шартномада белгиланган муддатларда “Ижрочи” га топшириш ва бажарилган ишларни қабул қилиб олиш;

б) “Ижрочи”нинг сўровига кўра ўзининг соҳага оид ҳужжатлари ва моддий-техник базасидан фойдаланишига имкон яратиб бериш;

в) “Ижрочи”нинг сўровига кўра ишларни бажариш жараёнига ўзининг тегишли соҳа бўйича ходимларини жалб қилиш;

г) кўрсатилган хизматлар учун ҳисоб-китобларни шартномада белгиланган тартибда ва муддатда амалга ошириш;

4.3 “Ижрочи” қуйидагиларга мажбур:

а) Ишларни бажаришда Ўзбекистон Республикасининг “Норматив-ҳуқуқий ҳужжатлар тўғрисида”ги Қонуни талабларига ва соҳага оид бошқа қонунчилик ҳужжатлари талабларига риоя этиш;

б) Ишлар бажарилаётган соҳа бўйича ривожланган давлатларнинг қонунчилик ҳужжатларини ва тажрибасини ўрганиш;

в) Ишларни юридик-техник жиҳатдан тўғри расмийлаштириш;

г) Лойиҳалар билан бирга уларга илова қилинадиган ахборот-таҳлилий материалларни тайёрлаш;

д) “Буюртмачи”нинг сўровига асосан бажарилаётган ишлар тўғрисида унга маълумот бериш;

е) Ишларни бажариш жараёнида фойдаланиш учун “Буюртмачи” томонидан тақдим этилган ҳужжатлар ва бошқа товар-моддий бойликларни ишлар тўлиқ бажарилганидан сўнг “Буюртмачи”га қайтариш;

ж) “Буюртмачи” томонидан шартномада белгиланган муддатда ва тартибда берилган буюртма юзасидан ишларни белгиланган муддатларда бажариш;

4.4. “Ижрочи” қуйидаги ҳуқуқларга эга:

а) Бажарилиши лозим бўлган ишлар бўйича топшириқ шартномада белгиланган муддатда ва тартибда берилишини талаб қилиш;

б) Зарурат юзага келганда ишларни бажаришда буюртмачининг ҳужжатлари ва моддий-техник базасидан фойдаланиш;

в) “Буюртмачи”нинг ишлар бажарилаётган соҳа бўйича ходимларидан соҳага оид маълумотларни олиш;

г) Буюртмани бажариш учун лозим бўладиган тегишли ҳуқуқ соҳаси вакиллари мустақил равишда жалб қилиш, уларнинг хизматларидан фойдаланиш;

д) “Буюртмачи”га топширилган ишлар бўйича тўловлар шартномада белгиланган муддатда ва миқдорда амалга оширилишини талаб қилиш.

5. Шартноманинг амал қилиш муддати, шартномани ўзгартириш ва бекор қилиш тартиби.

5.1. Шартнома томонлар имзолаган кундан эътиборан кучга киради ва 31 декабр 2022 йилга қадар амал қилади. Шартноманинг амал қилиш муддати тугасада, тарафлар шартноманинг амал қилиш муддати давомида зиммаларига олган мажбуриятларни тўлиқ бажарадилар.

5.2. Ушбу шартноманинг шартларини ўзгартириш ва қўшимча киритиш ёки уни бекор қилиш қўшимча келишув тузиш орқали амалга оширилади. Қўшимча келишув ёзма шаклда тузилиб, тарафлар имзолаганидан сўнг ҳақиқий ҳисобланади. Барча ўзгартириш, қўшимчалар ва иловалар мазкур шартноманинг ажралмас қисми бўлиб ҳисобланади.

6. Форс-мажор ҳолатлари

6.1. Агарда енгиб бўлмас куч билан боғлиқ вазиятлар (форс-мажор), масалан: сув тошқини, ёнғин, зилзила, эпидемия, ҳарбий можаролар, томонлар тарафидан мазкур шартнома шартларини бажаришига таъсир кўрсатувчи ҳукумат ёки маҳаллий давлат ҳокимияти органлари томонидан қабул қилинган фармойиш, буйруқ ёки бошқа мажбурий қарорлар, ҳукуматнинг норматив-ҳуқуқий ҳужжатлар ва бошқалар юзага келиш ҳоллари бевосита ёки билвосита намоён бўлган тақдирда, шартнома шартларини бажариш ушбу ҳолат тугаш муддатигача узайтирилади.

6.2. Форс-мажор ҳолати мавжуд бўлган томон уч кун ичида бошқа томонларни форс-мажор ҳолатининг бошланиш ва тугаш муддатларини кўрсатган ҳолда ёзма равишда огоҳлантириши лозим.

6.3. Агар форс-мажор ҳолати ижара шартномасининг шартларини бажаришга уч ойдан кўп муддат талаб қилса, томонларнинг ҳар бири шартномани бекор қилиш ҳуқуқига эга.

7. Низоларни ҳал этиш тартиби

7.1. Томонлар мазкур шартномани бажариш вақтида юзага келган келишмовчилик ёки низоларни музокара йўли билан ҳал этадилар.

7.2. Шартнома юзасидан низолар музокаралар йўли билан ҳал этилмаса, улар Ўзбекистон Республикаси қонунчилигига асосан суд тартибида ҳал этилади.

7.3. Мазкур шартномада кўзда тутилмаган, у билан боғлиқ бўлган барча муносабатлар Ўзбекистон Республикаси амалдаги қонунчилиги билан тартибга солинади.

7.4. Ўзаро келишув имконияти бўлмаганда, ҳуқуқи бузилган тараф юборган талабнома ёки огоҳлантириш хатига иккинчи тараф мазкур ҳужжатларда кўрсатилган муддат ичида жавоб бериши лозим.

7.5. Талабнома ёки огоҳлантириш хати тарафга шахсан топширилиши, электрон почта манзилига ёки почта алоқа хизмати орқали юборилиши мумкин.

7.6. Мазкур шартнома ва унинг иловаси бир хил юридик кучга эга бўлган икки нусхада тузилиб, шартноманинг бир нусхаси “Буюртмачи”да, иккинчи нусхаси “Ижрочи”да сақланади.

8. Тарафларнинг жавобгарлиги

8.1. “Буюртмачи” тўловларни амалга ошириш тартиби ва муддатига риоя қилмаган ҳолларда ўтказиб юборилган ҳар бир кун учун кечиктирилган тўлов суммасининг 0,4 фоизи миқдорида, аммо кечиктирилган тўлов суммасининг 50 фоизидан ортиқ бўлмаган миқдорида пеня тўлайди.

8.1. “Ижрочи” ишларни шартномада белгиланган муддатда бажармаган ҳолларда, кечиктирилган ҳар бир кун учун мажбурият бажарилмаган қисмининг 0,5 фоизи миқдорида пеня тўлайди. Бироқ бунда пенянинг умумий суммаси бажарилмаган ишлар баҳосининг 50 фоизидан ошиб кетмаслиги лозим.

8.2. Етказилган зарарни қоплаш ва неустойка тўлаш тарафларни ўзларига юклатилган мажбуриятларни тўлиқ бажаришдан озод қилмайди.

8.3. Тарафларнинг ушбу шартномада назарда тутилмаган жавобгарлик чоралари Ўзбекистон Республикасининг амалдаги қонун ҳужжатларига мувофиқ қўлланилади.

9. Қўшимча шартлар ва яқунловчи қоидалар

9.1. Ушбу шартноманинг амал қилиш муддати тугаганда ёки тарафларнинг талабига кўра муддатидан олдин бекор қилинганда “Буюртмачи” томонидан “Ижрочи”га берилган ҳужжатлар, моддий-техника жиҳозлари топшириш- қабул қилиш ҳужжатларига асосан топширилади.

9.2. тарафлар ўртасида келиб чиққан ва ўзаро музокаралар натижасида ҳал қилинмаган низолар Тошкент шаҳар суди иқтисодий ишлар бўйича судлов ҳайъати томонидан кўриб чиқилади.

ТАРАФЛАРНИНГ РЕКВИЗИТЛАРИ:

Буюртмачи:

Ўзбекистон Республикаси Соғлиқни
сақлаш вазирлиги ҳузуридаги
Фармацевтика тармоғини
ривожлантириш агентлиги
Манзил: Ташкент 100084, Юнусобод
тумани, Чингиз Айтматов кўчаси 1А уй
Тел: +99871 234-06-04
ХР: 401010860262667076902054001
ИНН: 305188309
Ғаз/х: 23402000300100001010;

С.Кариев

М.Ў.

Ижрочи:

Ўзбекистон Республикаси Адлия
вазирлиги қошидаги “Адолат” миллий
ҳуқуқий ахборот маркази давлат
муассасаси
Манзил: Тошкент шаҳар, Амир Темур
Шоҳ кўчаси, 19-уй
Х/р: 20212000300125676003
“Микрокредитбанк” АТБ Бош офиси,
МФО 00433, **ИНН** 201453166,
ОКЭД 63110, **РКП НДС:** 326010014912

Ф.Тожиев

М.Ў.



Handwritten signature in blue ink.

Handwritten signature in blue ink.

Handwritten signature in blue ink.